

Die 26 Martii
seu Dominica II post Pascha

S. LUDGERI
EPISCOPI ET CONFESSORIS
Protoepiscopi Monasterienensis
(dupl. I. class.)

INTROITUS

Sir 45, 30; Ps 131, 1

Státuit ei Dóminus testaméntum pacis, et príncipem fecit eum: ut sit illi sacerdotíi dígnitas in ætérnum. (T. P. Allelúja, allelúja.) **Ps.** Meménto, Dómine, David: et omnis mansuetúdinis ejus. **ŷ.** Glória Patri.

ORATIO

Deus, qui beátum Ludgerum confessórem tuum atque pontíficem hodiérna die suscepísti atque remunerásti: concéde propítius; ut qui ejus gaudémus méritis provocémur exémpis: et ejus intercessióne veniam et vitam mereámur ætérnam. Per Dóminum nostrum.

LECTIO *Sir 50, 1-8*

Léctio libri Sapiéntiæ.

Ecce sacérdos magnus, qui in vita sua suffúlsit domum: et in diébus suis corroborávit templum. Templi étiam altitúdo ab ipso fundáta est: duplex ædificátio, et excélsi paríetes templi. In diébus ipsíus emanavérunt pútei aquárum: et quasi mare adimpléti sunt supra modum. Qui curávit gentem suam, et li-

berávit eam a perditíone. Qui præváluit amplificáre civitátem; qui adéptus est glóriam in conversatióne gentis, et ingressum domus et átrii amplificávit. Quasi stella matutína in médio nébulæ, et quasi luna plena in diébus suis lucet. Et quasi sol refúlgens sic ille effulsit in templo Dei. Quasi arcus refúlgens inter nébulas glóriæ, et quasi lília, quæ sunt in tránsitu aquæ, et quasi thus rédolens in diébus æstátis.

Tempore per annum:

GRADUALE *Sir 44, 16. 20*

Ecce sacérdos magnus, qui in diébus suis plácuit Deo.

Ps. Non est invéntus símilis illi, qui conserváret legem Excélsi.

Tempore Septuagesimæ:

TRACTUS *Ps 111, 1-3*

Beátus vir, qui timet Dóminum: in mandátis ejus cupit nimis. **ŷ.** Potens in terra erit semen ejus: generátio rectórum benedicétur. **ŷ.** Glória et divítia in domo ejus: et justítia ejus manet in sæculum sæculi.

Tempore Paschali:

ALLELUJA

Ps 109, 4; Eccli 44, 16

Allelúja. Allelúja. Jurávit Dóminus et non pænitébit eum: Tu es sacérdos in ætérnum secúndum órđinem Melichisedech. Allelúja. Ecce sacérdos

magnus, qui in diébus suis plá-cuit Deo. Allelúja.

In Missis votivis extra tempore septuagesimæ vel paschalis dicitur GRADUALE ut supra et Allelúja cum ̄. Ecce sacérdos tantum.

EVANGELIUM Mt 5, 13-19

Sequéntia sancti Evangélii secúndum Matthæum.

In illo témpore: Dixit Jesus discipulis suis: Vos estis sal terræ. Quod si sal evanúerit, in quo saliétur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscondi supra montem pó-sita. Neque accéndunt lucérnam, et ponunt eam sub módio, sed super candelábrum, ut lúceat ómnibus, qui in domo sunt: Sic lúceat lux vestra coram homínibus: ut vídeant ópera vestra bona, et gloríficent Patrem vestrum, qui in cœlis est. Nolíte putáre, quóniam veni sólvare legem, aut prophétas: Non veni sólvare, sed adimplére. Amen quippe dico vobis: donec transeat cælum et terra, iota unum, aut unus apex non præteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cælórum: Qui autem fécerit et docúerit, hic magnus vocábitur

in regno cælórum.

CREDO dicitur in sollemnitate et in Dominicis tantum.

OFFERTORIUM Ps 88, 25

Véritas mea et misericórdia mea cum ipso: et in nómine meo exaltábitur cornu ejus. (T. P. Allelúja.)

SECRETA

Hæc sacra, Dómine, quæ pro venerándis beáti Ludgéri Confessóris tui atque Pontíficis deférimus méritis, peccatórum nostrórum víncula solvant: et ejus obténtu ab ómnibus tueántur advérsis. Per Dóminum nostrum.

COMMUNIO Ps 88, 25

Beátus servus, quem, cum vénerit Dóminus, invénerit vigilántem: Amen, dico vobis, super ómnia bona sua constítuet eum. (T. P. Allelúja.)

POSTCOMMUNIO

Pignus perpétuæ salútis suméntes, cleméntiam tuam, omnípotens Deus, humíliter implorámsus: ut beáto Ludgéro Confessóre tuo atque Pontífice interveniénte, cæléstis vitæ præmia consequámur. Per Dóminum nostrum.